

Bangala - Basoda Buku na Nzambe - Soldiers Scriptures

Baefeso 6:10-18

- 10 Mpo na kosukisa, boluka bokasi na bino kati na lisanga na bino elongo na Mokonzi, mpe kati na nguya monene na ye.**
- 11 Bolata biloko na etumba nyoso oyo Nzambe azali kopesa bino, boye bokoki kotelema malamu na kobunda na mobulu ya Satana.**
- 12 Mpo ete tozali kobundana na batu te, kasi na nguya na milimo mabe kati na bisika na lora, bankolo, banguya mpe mokonzi na mokili na butu oyo.**
- 13 Mpo na oyo, bokamata sik'oyo biloko na etumba nyoso na Nzambe! Boye, ntango mokolo mabe ekoya, bokokoka kotelema na kobundana na monguna, mpe nsima na kobunda kino nsuka, bokotelema makasi na esika na bino.**
- 14 Bongo botelema makasi. Bokanga makambo na solo lokola mokaba na loketo na bino. Bokamata bosembo lokola nguba.**
- 15 Bolata mposa na kosakola Nsango Malamu na kimia lokola sapato na makolo na bino.**
- 16 Bokamata mikolo nyoso kondima lokola nguba, yango nde ekopesa bino nguya koboma mbanzi ya moto nyoso na Satana.**
- 17 Bolata kobikisa lokola ekoti ya mbeli, mpe maloba na Nzambe lokola mopanga oyo Molimo Mosantu apesi bino.**
- 18 Bosala oyo nyoso kati na mabondeli, kosenga epai na Nzambe lisungi na ye. Bobondela ntango nyoso, lokola Molimo Mosantu azali kokamba. Mpo na oyo, bokeba mpe bolemba te. Bobondela mpo na batu nyoso na Nzambe.**

Njembo 91

- Motu oyo afandaka kati na Nzambe ya likolo nyoso, azali kopema na nse na elili ya Nzambe ya likolo nyoso.**
- 2 Nalobi na Nkolo boye: "Yo ozali esika ya kobombana na ngai mpe esika makasi na ngai, ozali Nzambe na ngai, natiaka motema epai na yo."**
 - 3 Nkolo akolongola yo na moteko oyo batielaka yo, mpe na malali oyo ebomaka.**
 - 4 Akozipa yo na nsala na ye, mpe okobombana na nse ya mapapu na ye. Bosolo na ye ezali koti mpe nguba.**
 - 5 Na butu, okobanga likambo moko te, na moi, monguna moko te akobundisa yo; ata na midi,**
 - 6 malali mabe ekobeta yo te, ata malali ya mabe oyo etambolaka na molili.**
 - 7 Ya solo, ata batu nkoto bakufi penepene na yo, ata batu nkoto zomi**

bakwei na epai ya loboko drwati na yo, eloko moko te ekoyokisa yo mpasi.

8 Fungola bobele miso mpe okomona ndenge Nzambe afutaka batu ya mabe.

9 Mpamba te okoki kobombana epai ya Nkolo. Okumisi Nzambe ya likolo nyoso Mobateli na yo.

10 Mpasi moko te ekozwa yo; mabe moko te ekokweela ndako na yo.

11 Mpo Nkolo akopesa motindo na baanzelu na ye, babatela yo bisika nyoso oyo okokende.

12 Bakomema yo na maboko na bango, mpo otuta lokolo na yo na libanga te.

13 Okobanga ntambo to banyoka mabe te; okokoka konyata mwana-ntambo mpe nyoka monene!

14 Nkolo alobi: "Nakobikisa motu oyo alandaka ngai; nakobatela motu oyo andimaka ngai.

15 Soki abengi ngai, nakondimela ye; nakozala na ye na ntango ya mawa. Nakosalisa ye, nakokumisa ye motu ya lokumu;

16 nakopesa ye bomoi molai, nakomonisa na ye ete nazali Mobikisi na ye."

Njembo 18

1 Mpo na mokambi ya njembo. Davidi mosali ya Nkolo ayembelaki Nkolo loyembo oyo ntango Nkolo abikisaki ye na maboko ya Saula mpe ya banguna na ye nyoso.

2 Nalingaka yo, Nkolo; yo ozali makasi na ngai.

3 Nkolo azali esika makasi oyo nakimelaka mpo nabombana; azali libanga oyo ebatelaka ngai. Azali Nzambe na ngai mpe Mobikisi na ngai; azali ebuneli oyo elongisaka ngai.

4 Mersi na Nkolo! Nabengaki ye; mpe alongoli ngai na maboko ya banguna.

5 Basinga ya liwa ekangaki ngai; bojindo ya mai ebangisaki ngai.

6 Ya solo, basinga ya liwa ekangaki ngai; liwa etielaki ngai moteko.

7 Na kati ya mpasi na ngai nabengaki Nkolo; nasengaki Nzambe na ngai aya kosalisa ngai. Kuna na ndako na ye ayokaki ndenge nazalaki kolela; atiaki matoi ntango nabengaki ye.

8 Mabele eninganaki na nkanda ya Nkolo; bafondasio ya bangomba elengaki.

9 Molinga ezalaki kobima na zolo na ye; monoko na ye ebimisi moto ya makasi mpe makala oyo ezikisaka nyoso.

10 Nkolo afungolaki lora mpe ye mpenza akitaki; atelemaki likolo ya mapata ya mwindo.

11 Amataki likolo ya keruba moko mpe apumbwaki; mopepe ezalaki lokola mapapu na ye.

12 Abombanaki na kati ya molili; na kati ya mapata ya mwindo makasi

- kotonda na mai.**
- 13 Uta na kongenga liboso na ye, mapata ebimaki, oyo ebwakaki molungumba mpe makala na moto;**
- 14 Kuna na lora, Nkolo abetisaki nkake; ezalaki ye, Nzambe ya lora nde angangaki.**
- 15 Abwakaki bambanzi na ye bipai nyoso; apanzaki bamoto ya nkake bipai na bipai.**
- 16 Na konganga oyo Nkolo angangaki, nse ya mai monene ekumaki polele. Na mopepe ya zolo na ye, bafondasio ya mokili emonanaki.**
- 17 Uta na lora, Nkolo atindi loboko mpe akamati ngai; abimisi ngai na kati ya bamai ya minene.**
- 18 Alongoli ngai na maboko ya banguna na ngai, ya batu makasi oyo balingaki kolonga ngai.**
- 19 Bango babundisaki ngai na mokolo ya mawa na ngai; kasi Nkolo ayei kosalisa ngai.**
- 20 Alongolaki ngai, ati ngai na esika ya malamu; abikisi ngai mpo alingaka ngai.**
- 21 Nkolo asali ngai boye mpo na bosembo na ngai; asalisi ngai mpo nasalaka mabe te.**
- 22 Nalandaka banzela ya Nkolo; napesaka Nzambe na ngai mokongo te.**
- 23 Natosaka mibeko na ye nyoso; nabwakaka mitindo na ye te.**
- 24 Nasalaka nyoso ete azwa ngai na likambo te; namibatelaka mpo nasala mabe te.**
- 25 Yango wana Nkolo apesi ngai lifuti; mpo amoni ete nazalaka na motema petwa.**
- 26 Nkolo, olingaka batu oyo balingaka yo; ozalaka malamu mpo na batu ya malamu.**
- 27 Ozalaka petwa mpo na batu ya mitema petwa; kasi ozalaka na mayele mpo na bazimba.**
- 28 Yo nde olongisaka batu oyo bamikitiska; mpe okitisaka batu ya lolendo.**
- 29 Nkolo, opelisi mwinda na ngai; Nzambe na ngai, omonisaka ngai polele na ntango ya molili.**
- 30 Na nguya na yo nalongaka banguna oyo bayaka kobundisa ngai; napumbwaka mir ya molai.**
- 31 Nkolo asalaka bobele makambo ya malonga; Nzambe na biso akokisaka maloba na ye, abatelaka batu nyoso oyo babombanaka epai na ye.**
- 32 Bobele Nkolo nde azali Nzambe; bobele Nzambe na biso nde azali libanga.**
- 33 Ye nde apesaka ngai makasi; mpe atambolisaka ngai na banzela ya malonga.**
- 34 Akumisaka makolo na ngai lokola oyo ya mboloko; mpe atelemisaka**

- ngai malamu na likolo ya bangomba.**
- 35 Ye nde alakisaka ngai ndenge ya kobunda; mpe nabwakaka bambanzi mosika koleka!**
- 36 Nkolo, obatelaka ngai mpo nalonga banguna na ngai; oyaka kosalisa ngai mpe okumisaka ngai makasi.**
- 37 Na lisalisi na yo nakimaka mbango koleka; mpe nabetaka mabaku te.**
- 38 Nalandaka banguna na ngai mpe nazwaka bango; nazongaka kaka soki nasilisi bango.**
- 39 Nasilisaka bango mpe bakokaka kosala eloko moko te; nanyataka bango na makolo na ngai.**
- 40 Opesaka ngai makasi ya kobunda; mpe okweisaka batu oyo bayeelaka ngai etumba.**
- 41 Ozali kokimisa banguna na ngai liboso na ngai; mpe nazali kosilisa bango nye.**
- 42 Bazali kobenga kasi motu moko te azali koya kosalisa bango; ata baleli epai na yo Nkolo, oyanolaka bango te.**
- 43 Nazali kopanza bango lokola putulu oyo mopepe ezali kopanza; nazali konyata bango ndenge banyataka potopoto na balabala.**
- 44 Olongolaki ngai na maboko ya batu oyo batombokaki na ngai; opesi ngai bikolo mpo natambwisa bango. Batu oyo nayebi te bakumi kosalela ngai;**
- 45 soki nalobi mwa likambo, bazali kotosa noki. Bapaya bakumi kosala nyoso mpo nasepela na bango;**
- 46 na kolenga nyoso bazali kobima na bisika makasi oyo babombanaki na yango.**
- 47 Nkolo azali na bomoi! Mersi na oyo apesaka ngai makasi! Lokumu ezala na Nzambe oyo abikisaka ngai;**
- 48 asalisi ngai mpo nalonga batu oyo basalaki ngai mabe. Akitisi bikolo mpo batosa ngai;**
- 49 mpe abikisi ngai na ntango ya bitumba. Nkolo, olongoli ngai na maboko ya batu ya mobulu; olongisi ngai ntango banguna bayaki kobundisa ngai.**
- 50 Yango wana nazali koyemba lokumu na yo; mpe kopesa yo mersi na kati ya bikolo.**
- 51 Nkolo asalaka makambo ya minene, mpo na kolongisa mokonzi oyo ye aponaki. Alakisaka bolingo na ye na motu oyo apakolaki na mafuta; Davidi mpe batu ya libota na ye, mpo na seko.**